

廣東府縣志輯

中國地方志集成

嘉慶雷州府志



中國地方志集成

廣東府縣志輯④³



嘉慶
雷州府志

上海書店 ● 巴蜀書社 ● 江蘇古籍出版社

嘉慶雷州府志

(清)

雷學海
陳昌齊等纂修



重修雷州府志序

自古史與志合陳壽志三國志猶史也後世州縣分志郡又合州縣而以志傳史才微矣要以繁簡失宜君子病之

雷州府志

序

一

夫人事輸誠盡瘁有能感金石泣鬼神而名沒九泉幽光未發有力者聞微灼隱記事載言此文策之必不可簡者也其失也義寬而詞濫如紀

長江浩海而旁及斷港絕潢

嗚呼難言之矣雷州地處嶺

南形勢環海如箕領帶三邑

余自庚午抵任值洋氛未靖

大兵來會雙溪爲考舊志叅

雷州府志

序

二

其圖說久之當是時上憲督

師水陸兵刃彀弓弩以待

號令而四境老民紳士率其

子弟負戟操戈立城下晝夜

十日無倦色是豈無所挾持

而能應於臨事者抑亦見政
教所及有以作士氣而感人
心則雷州固西南一名郡也
郡志舊分十卷冠以輿圖綴
以外紀大兵後訪問故事十

遣八九蓋自康熙壬子修葺
成編迄今百餘年舉凡戶口
土田官制禮儀海防軍政以
及庶事之廢興舊章之因革
五穀百產之衰旺老幼少壯

之疾苦懽愉筆之於書彰遠
昭來以勸以懲此固守土者
之責而歲殊時易聞見異詞
進邑人之所知又從而考正
焉將以政事之修明示鴻章

之美備嗚乎豈易言哉庚午
孟秋郡人以舊編殘缺議請
重修自維下車數月視聽未
周於志何補無已檄三縣咨
庶司採碑碣收圖籍於次年

十二月編次告成郡人乃復
請序於余以紀始末夫古人
不下堂而知土地之圖辨人
民之數通上下之志合好惡
之情誠以方策未湮措施有

具是志也若崇飾虛詞余心
滋惧若爲法爲戒則一編三
邑輿論彰聞余惟日有孜孜
以勉孚衆望庶郡志可稱信
史不致繁簡之交病云耳志

有二十卷錄舊攬新條條秩
秩延聘纂校則海康前任溫
處兵備道陳君觀樓同校多
士膏火分勞虛衷叅訂以姓
氏旣列後此不復書

嘉慶辛未冬十有二月
賜進士出身

特授廣東雷州府知府雷學海序



續修雷州府志序

嘉慶歲在庚午秋八月郡伯以續修府志見屬不敢以不敏辭也於是要會同三邑首事矜耆公達分技採訪繕寫等

雷州府志

序

若干人各分以職既開局取舊志閱之略為增併其門類每門引以前序定凡例示同局俾知所從事回考地志之書之傳於世者惟唐元和郡

雷州府志

序

縣志為最古宋元豐九域志次之皆本諸周官職方氏之遺意欲以辨其人民財用周知其利害他無濫及焉自樂史作太平寰宇記闢入人物踵而為之者志傳並行人物之篇乎居今之世是古之地志特史之一門後之地志實為府州縣之全史今將為雷郡作全史而不能徵文攷

獻以衷養之非所以信今而傳後也吾嘗稽之往牒聞之故老叅以生平閱歷用是悉其形勢得其上宜知其民人所習尚其北負高涼旁腋三

廉橫山息安濠堡存焉是往者鄭昌王鑑輩之所由伏莽興戎者也其東西南皆吞吐渤海海之中大小蓬萊在焉是生者劉香陳旺輩之所由

乘風肆掠者也然而其壤腴其民慤其生殖繇夥則富庶之境也其學者類知崇實黜華其武士類知親上敵愾其婦人女子類知飭廉隅守閭

範則又聲名文物之選也蓋自我

朝蕩平區宇

列聖相承必世興仁百年去殺早已變蜃氣為卿霑化瘴雨為祥

霖迹以海上匪徒稍々蠢動
又仰蒙我

皇上握廟筭授機宜剋期埽除之
用能使林々挺々熙皞成風
然則生斯土者願可以運際

雷州府志

卷五

五

昇平而不思其所自來哉舊志
創始於明正德間凡三經續
輯皆適值兵燹之餘故其詞
大抵若有憾於其地其人然
者吾獨惜其生之早而不及

見今之雷之迥異乎當日之
雷而躬逢

久道化成之休也竊自念筆墨
久蕪深恐不勝記載之任所
賴郡伯隨事商正同局諸君

雷州府志

卷五

五

亦各矢公矢慎時時勗而
贊成之起自立設郡縣之始
以迄於今自

典謨而下分為二十門志地志人均
詳細攷訂無有舛互而後筆

之於書其康熙十一年以前
有採之舊志者則注明出處
不敢掠美云原任分巡浙江
溫處兵備道海康陳昌齊



古敘

自夏后氏別九州任土作貢後世郡國因之各有
史籍以紀往事春秋間國語並載左邱明既傳魯
史復析列國而存之蓋其詳也我國家幅幘萬里
盛京鼎峙其列爲省以擁衛鴻圖者十有四爲府
者蓋倍徙無算記載班班可考雷僻在東粵南陲
視廣肇諸郡地差狹所轄邑不能以半然吞吐渤
澥跨瓊翼廉實東南一要郡也土衍而沃嵐瘴轉
微風俗淳令數百年來人文迭興科第往往不絕

視他郡稱雄長焉其間守令名賢擢諸兩漢末可
多讓奇踪勝事灼在耳目此而不爲之紀將循良
寂響而文物輒湮也觀風之謂何其何以備採覽
且夫考疆正域大典也辨土授民顯制也度產絮
賦厚忠也昭善狀惡森軌也省視要害重防也正
禮審祀秩章也籍一郡而衆善咸集惟集不可以
缺故歷敘時人所見聞與先正所傳者彙爲雷志
列爲十卷俾徵文獻者可攷信焉

雷州府志

序

惟王建極疆理宇內設邦啟域列爵分職爰立外史以掌四方之志九邱之書以類上下山川城郭室宇人物文獻貢賦之事所以盡職而獻忠者也況魯史之文實肇春秋豈小小也哉西蜀王君伯一存以秋宮來守雷州咎犯法之民而貸其辜以其身折權貴之勢以爲民安凡四年吏職以舉乃修文事極奇志而嘆曰此前守趙君葦創之今方伯吳公葺爲僉事實鉅作之我則典辭其何以繼於前修乃謀加之訂正蓋邑而志成遂按圖而考之

二

於山川曰吾不思所以奠安與於城郭曰吾不思所以捍守與於憲宇曰吾不思所以輯寧與於人物曰吾不思所以化理與於文憲曰吾不思所以敦崇與於貢賦曰吾不思所以平均與聖天子將勤治理撫輿圖而覽之見山川則思封疆之臣見城郭則思捍禦之臣見室宇則思輯寧之臣見人物則思化理之臣見文獻

進忠矣乎進思盡忠臣道乃修是謂以志致志王君之謂與正德十二年歲在丁丑孟冬二十有三

日甘泉子云

明郡人馮彬雷州府志序

嘉靖庚子冬余自西臺告歸邂逅次崖林僉憲於五羊次崖方巡察海北採舊典以新政紀慨郡志久逸屬余修之余時未知所以應命者旣又檄府以幣請事未舉卽代去諸暨夢山翁僉憲繼之請如前郡守葉可亭復通聞於撫按咸以允示遂集郡邑英彥就公署同纂閱月草成值高州府同知續溪戴君來署郡符措辦梓之余曰志以紀事史之

雷州府志

序

三

遺也史亡而後志作焉雷距五嶺南自入職方來地經物軌風範道華志者舊矣然自正德丁丑以迄於今時易歲殊風移俗革是故或併或析或易或仍或徙或陲或陵或湮因時變易是皆理域保封昭德遂生繫焉者烏敢忽諸用是錄舊摭新黜繁緝略志圖輿以正疆域志食貨以定財貢志公署以肅法制志官師以振綱維志防禦以弭窺伺志建設以彰廢置志列傳以表習尚志藝文以昭華澤是故疆域正則地道彰矣財賦定則民生殖

矣法制肅則體統一矣紀綱振則政令肅矣窺伺
弭則大可保也廢置備則政可節也習尙表則人
知所趨也華澤昭則文獻有足徵也嗚呼是亦盡
之矣而余竊有懼焉蓋郡者國之積而天下之委
也闢潛發幽彰遠昭來於志焉徵之昔江文通論
史之難無出於志若余材乏三長謬膺修緝遺略
外誤實多焉讀之者寧不有未及終篇卽欠伸思
睡耶然余產是邦知是邦爲獨詳類集故實以備
後修之君子實余志焉尙亦有亮之者嘉靖甲辰

雷州府志

序

夏四月吉日書

明推官歐陽保雷州府志序

竊聞圖冠知天句履知地微往詔來郡國志所錄
重矣顧志非後耳目之觀備方策之數事該而核義正
而嚴成一郡信史斯足述耳歲辛亥余捧檄理雷
問雷志故府無藏且百年作而歎口有是哉雷之
缺也幸奉委查端州讀葉化甫所修端志華實並
茂不勝向往第思端於粵爲望國化甫於文壇爲
宗匠端有名巖秀端碩人偉士幕府巨鎮足以資

化甫埏埴而化甫胸蟠浩瀚筆舌雄奇又足以抒
鴻藻而極端州之致宜地與志兩擅其美也雷簡
僻不及端十一余寡陋暗拙不及化甫百一何敢
濫與斯文雖然志者掌記時事雷卽簡僻時事具
焉仲尼病杞宋無徵雷固不在杞宋下矧媚川之
珠纖機之葛並天府所珍而五指妖氛扶桑淼茫
銅柱狡蠻每倏忽震隣雷詎無可志哉前者旣以
待今今復待後銷沈愈久迷訛轉深將使懿輶化
爲飛蓬糠粃沿爲彝鼎吞丹漏於疎網眞子眩於
黎邱後之人索元珠於象罔辨素練於吳門益渺
茫矣夫瘠飢無須芻豢斷室寧必班倕雷志之修
豈異人任乎余不揣固陋壬子夏徵故老集弟子
員以郡博士徐應乾重其職徐君廣稽博採模舊
鑄新至冬而稿成秩秩乎具有其質余閱之而喜
然而未敢爲據癸丑夏奉委羊城聞番禺韓孝廉
上桂博雅甚余幣延至雷偕其友人鄧生栢與俱
二君出胸中武庫探討證綱剛煩汰穢越數月而
稿成彤彤乎質有其文余閱而喜屬有渡海之役

雷州府志

序

五

未鐫也甲寅冬集匠繙梓取前稿而覆閱之則見亥豕尚多掛漏間出批道未悉品隲猶麗余於是分簿書之隙竭管蠡之明或因其舊或汰其訛或增其未備或訂其未協巨細罔忽銖兩必稱鬚枯筆秃歸於有當而後付之剞劂則余以匠心之知纂爲定本而完此缺典者也夫聚無爲有始也不可無徐之質藻俚就雅繼也不可無韓之文然使質不至於牴牾文不落於虛浮終也不可無余之核何者畫工不難於鬼魅而難於人惟其實也畫

雷州府志

序

六

人者不難於色像而難於神惟其肖也夫志亦猶是焉肖實則信信則可傳而久宇宙吏治名法土俗民風身不登共局則意見猶隔目不熟其境則肯綮未游余五載理雷業身履之而熟嘗之事變經幾揚擢人物經幾權衡其於雷固非牆外觀夢中語矣故談利弊不厭嘔心析是非無嫌矢口蓋以耳目之真抒公正之論庶幾後者一展玩而知言非風影見匪矮人馬之路蟻之水型然可得也所稱信吾心以信人心信今日而信異日者乎不

然僅撫拾故事靡所損益是商賈米鹽之贖也徒模稜其詞噤嚅其口卽文藻斐然亦好事傳奇之語耳於信何居焉語云春秋孔氏刑書也筆削一加萬世斧鉞遷固而下所不敢望然郡乘國史不師其義以行何以稱不隱惡不虛美而文獻足徵哉余刑官也嘉肺之聽期於允明少枉卽以干和故縱適爲長惡輕重出入毫髮靡徇天日共照彼我無憾五載弼刑道若斯已雷志之修夫亦兢兢以刑道用焉雷人士固有諒余心者若曲木之忤

雷州府志

序

七

直繩就陰者之畏皎日余亦聽之而已矣敦延廩餼模勒楮墨諸費皆余以壬子代庖府縣賜金任之官民上下無借資云刻板三百三十有六緘藏左庫俟後之君子萬歷四十三年乙卯孟冬書知府吳盛藻雷州府志序

余自己酉歲承乏雷郡因攷諸故府得歐陽司李所葺雷志次第讀之其山川城郭風俗形勢亦既詳哉其言之矣夫荒徼之地語言文字之所不通乃能旁搜遠撫使典章制度不至與荒茅黃竹泯

沒而無傳者歐陽氏之功居多我

國家致大平於茲三十年內有纂修之署外有採風之使凡放失舊聞下及田夫野老之歌誦無不集而進之以興舉廢墜潤色鴻業雷雖僻處遐壤而政教所施與

畿輔等是固守土之臣所當補葺遺亡以備太史之所未備者矣余唯郡邑之有志猶國之有史也史載一王之法志則禮樂政刑無弗詳也史垂褒貶之旨志則善惡美刺無弗備也史之義微而顯志

雷州府志

序

之義質而直志亦密可忽哉然而雷之志則有難焉者秦置桂林南海象郡而雷始隸於版圖嗣後法制條約以次修舉要之遷徙無常不能歸於成憲則志之難者一兵燹之後圖籍散亂攷證靡從卽或收拾殘闕終不免爲沿訛承弊則志之難者二夫以爲難而不作作之者無其人也大地等於滄桑矣以爲難而不述述之者無其人也爰鼎淪爲灰燼矣況乎

聖明一統號令維新諸所興爲釐然具舉乃邊隅無文

獻可考輿當代盛業不載余甚懼焉因與闔郡紳士

商確參校缺者補之冗者汰之謬者正之凡數閱月而告成編次既定彙爲十卷較之歐陽之創始彼固獨任其難而承流離散軼之餘廣詢博訪以無廢事亦不敢謂獨任其易也余蒞雷四載洞悉民隱兢兢乎飲冰茹蘗以期告無罪於天下然而瘡痍果盡瘳乎閭閻婦子果無恙乎子矜能無刺乎孟賸已克除乎此固日夜矢心而不敢自暇逸者昔鄭俠繪流亡之圖以進至今猶爲美談何者

雷州府志

序

九

以其真也韓子云畫鬼魅易爲好畫狗馬難爲工蓋玉卮無當雖寶非貴侈言無驗雖麗非經今是編也亦存其真而已矣異日輶軒之使採而進之太史以備石渠天祿之遺使知濱海殘黎有孑然僅存如此者是卽守土之臣之厚幸也康熙十一年歲壬子孟冬敘

郡人洪泮洙雷州府志序

雷郡故有志創於正德丁丑其再修者則嘉靖之甲辰萬曆之乙卯迄今凡六十年所茲值

國朝鼎興因革損益典章漸殊而風土建置戶口兵制文教武衛皆開政紀不可無載藉匪獨傳今實以範古故柄治良守未嘗不孜孜圖之然未有見諸施行者鏤冰爲璧不可得而用畫地爲餅不可得而食也郡守觀莊吳公康熙八年己酉來守吾雷迄壬子凡四年仁澤久淪人知向學又際方隅無外贊民和政暇欲取郡志重修之適會

上命儒臣纂修國史之期公因銳意諮詢前後掌故增所未備爰命余董其事用是總其大凡錄舊摺新

雷州府志

序

十

黜繁輯略以資潤飾知公操心之勤立政之備而垂法之遠矣綱舉目張廢興隆起詳於昔者不敢略於今詳於今者不得不有加於昔豈徒效張儼發憤私存嘿記之文孫盛不平竊撰遼東之本者乎竊惟民爲邦本

聖朝簡賢任能分符展采凡爲民計夫民之休戚不敢膜外視之則關於民者敢膜外置之乎載觀志之列目若干凡占候輿地土產賦役之屬咸以生民也官師學校儒碩勳烈節孝之屬咸以表民也城

池法令材武兵防以及古蹟閘津險隘之屬亦思以衛民也豈文具是爲長民者惟盡心於民則思所以養之教之治之罔不殫厥力不但溥恩澤於吾身親見之日又索其既往圖其將來俾已成規模爲不刊倫要若志之所載焉皆是物也公樹德而忘其德吾盡吾之所當爲者而已若編次有掛漏揚推有醇疵或病於見聞之隘無傷於大道之公藻鑑權衡無不稟成於公焉雷人士頌公之德相率加額樂觀厥成卽它日國史採輯所及奚啻裨官斯其爲盛美爲詩謨也傳曰文武之政布在方策其斯之謂歟康熙十一年冬長至日書

雷州府志

序

十

續修雷州府志凡例

一 直省府州縣志並恭載

聖訓尊

典謨也我

朝百數年來

皇風遐邇冰天桂海淡髓淪肌誠為曠古所未有雷郡

僻在一隅凡遇

繪音宣布海內者皆得奉頒如例今於舊志增入首卷

敬謹錄載以見陋鄙士民共仰

雷州府志

凡例

敷言建極久道化成之美

一地志古稱圖經篇首有圖圖系以說凡以考形

勢備阨塞非獨周知地域廣輪之數也雷郡三面

環海海防猶亟今於舊志各圖外增入海防全圖

以資觀覽

一郡縣沿革為地志之總綱雷郡自漢元鼎間始

入版圖迨後改郡設縣增併不一因時定制悲柱

無膠舊志雜入地里門且寥寥數款尙多掛漏今

詳加釐訂立為沿革門

一地里民俗舊分二門今併為地里門

一秩祀門今改為壇廟門舊志首列文廟各壇廟

次之寺觀等又次之今改文廟入學校門本門則

以通行祀典列於前其鄉俗信奉稍近正者附之

一切里社家祠概不闡入

一舊志以守道巡道為分鎮門餘為職官門今併

為職官門

一流雷門悉依舊志緣雷郡昔為瘴鄉今稱樂土

我

雷州府志

凡例

朝百餘年來從無謫官到地無庸續也

一兵制舊志不分水陸今詳為分晰釐為兵制海

防二門

一海防為新增門類現在海防肅清籌辦善後事

宜於從前營制有隨時變通之處查案載入

一選舉自康熙十一年以後按照鄉會歲拔年分

查取姓名續入其封贈給銜并八品以上雙月候

選人員概綴於末

一舊志不載禮樂教化所闕未可略也今增立禮

樂門

一人物事關激勸必詳細諏詢一無遺議者續載之毋致濫及其輸穀入倉遇饑賑濟經大吏賜額旌門及百歲耆年附見於後其人尙存概不登載一舊志既立藝文一門而序記等作復倣宋范成大吳郡志例附之各門之後殊未畫一今從各門摘出併入藝文門

一舊志古蹟門後別有怪異門今併爲古蹟門

一舊志無仙釋門惟卷末附載名僧數人今立爲

雷州府志

凡例

仙釋門

一建置賦役學校名宦勳烈列女等門悉依舊志

續之

一志自首卷外別爲二十門首卷恭錄

典謨不敢引以前序餘二十門并有小引以見作志分

門之意

雷州府志目錄

典謨首卷

輿圖卷之一

地里卷之二 形勝 里至 山川 水利 堤岸 土產 鄉都 社村 墟埠 風土

沿革卷之三

建置卷之四 城池 公署 行署 雜所 行館 亭館 坊表 街坊 舖遞 橋溪

關塔

賦役卷之五

學校卷之六

積貯附 精田附 書院附 社學附 目錄

雷州府志

禮樂卷之七

壇廟卷之八

職官卷之九

名宦卷之十

流寓卷之十一

兵制卷之十二

海防卷之十三

圖附 營官附

勳烈卷之十四

選舉卷之十五